

## Wā eo an COVID-19 ilo Mweo Imōm & Wā in Kakajur ko rej Jibāñ Wōnmanlak ko & Juon wōt ilo Ejmour

Joñan eo 30 percent in armij ro rej jokwe ilo aelōñ in Washington eijañin dedelak aer bōk wā in bōbrae eo an COVID-19. Melele ko rej kwalok ke wā ko rej bōbrae jen nañinmej eo. Wā ko rej kadriklak am ioone nañinmej eo ekauwōtata im mej jen e, im rej jibāñ kadriklak am māroñ in dreloñ ilo aujbitōl jen wōt nañinmej eo. Aurōk in bōke wā in bōbrae ko jinoim im wā in kakajur ko ñan jibāñ kakōmanman an enbwinnim māroñ in jumae nañinmej in COVID-19. Rōjañ eo kio ñan wā in kakajur ko ej walok ilo tebōl in ilal:

Wā in bōbrae ko jinoim emōj an dedelak	liō ko rej melim in bōke wā in kakajur ko	lien eo kōtaan wā eo eliktata (koba ippen wā ko kajojo, ñe ekkar) im wā in kakajur eo	Oran wā ko
Pfizer-BioNTech	≥ 12 iiō	≥ 5 allōñ	1
Moderna	≥ 18 iiō	≥ 5 allōñ	1
Janssen	≥ 18 iiō	≥ 2 allōñ	1

Jibāñ bōbrae eok māke im ro rejjab māroñ in bōke wā ko. Elōñ armij ilo moko mweir rej lōke armij ro jet bwe ren jibāñ lelak aikuj ko aer aolep raan, ippen an ro jet beddo dreloñ ilo moko mweir. Rej bed wōt ilo aer uwōta jen nañinmej eo an armij ro jet rejjānin wā ak ioon e ilo aer jaje an ajeded ilo pelakid.

### Ñe kwe ak juon armij kwōjella kajjen ej bed mweo & aikuj wā in COVID-19 ak wā in kakajur, kajitōk e rainin ilo am kelet juon ian pepe kein ilal:

- Kūrloq jikin ejmour eo tūrim ñan am bōke jermal in wā ko ilo mweo imōm.
- Kūrlok Lain in Jibāñ eo an kien ikijen COVID-19 im kōjjelāki er ke kwōj aikuj jermal in wā ko ilo mweo imōm. Aanō! 1-800-525-0127 ak 1-888-856-5816, jujen jibed #. **Ewōr jibāñ ikijen ukok naan!**
- Kanne peba in register eo online emōj likit ilal ñan aer likit eok ibben tiim ko an bukwōn eo itūrim im/ak tiim ko an kien rej itotak ikijen wā ko im remāroñ in lewaj ak karōk ñan jermal ko an wā ko ilo mweo imōm.

Department of Health (DOH, Rā eo an Ejmour) Pej ñan Kajitōk ikijen Wā ilo Mweo Imōm: [https://redcap.link/WA\\_HomeBasedVax](https://redcap.link/WA_HomeBasedVax) (Kajin Pälle)

Ñe ewōr am kajitōk kin jermal in, jouj im email: [coronavirus@doh.wa.gov](mailto:coronavirus@doh.wa.gov).

### Jekjek in Burokram eo

Department of Health (DOH, Rā eo an Ejmour) ekar jino kōmman wā ilo mōn jokwe ilo Maaj in 2021. [Kajitok kō ikijen Wā](#) ko an DOH ilo Mōn Jokwe (Kajin Pälle) ej kobaki bukwōn ko 39 ibelakin aelōñ in Washington. Rijerbal ro an wā ko rej wōnmaanloq wōt ñan aer kōttōpār im lelōk wā in bōbrae im wā in kakajur ko ñan ro rej aikuj. Kwōmāroñ kajitōke jermal in wā ko ilo mweo imōm ilo kajin ko jet ilo am kūrloq Lain in Jibāñ eo ikijen COVID-19 (Jiped 1-800-525-0127 ako 1-888-856-5816), innem jiped # ñan jibāñ ikijen ukok naan.



Ñan melele ko relap

Etal ñan: [COVIDVaccineWA.org](https://www.covidvaccine.wa.gov) ak [DOH.WA.GOV/Coronavirus](https://www.doh.wa.gov)

Call e: 1-800-525-0127, im jujen jibed #. Jibāñ ikijen kajin ej bar bed.

## **Kakōmanmanlōk an Tilmaak Wa Eo**

Jerbal in wā ko ilo mōn jokwe rej lelak wā in COVID-19 ilo jikin ko ejjelōk wā ibelakin aelōñ eo. Wunin jermal kein ej ñan kakōmanmanlak ejmour ñan aolep im tilmaake wā in COVID-19 ñan ro remāroñ in:

- Jab emakitkit jen mweo mweir, jutak ilo lain, ak etetal jabdrewōt jikin.
- Eñjake aer mōjño enbwinnier ak jipikpik.
- Eñjake nañimej in kōmelij ej bōbrae an kaelmenlōkjān.

Wā ko ilo mōn jokwe rej jibāñ kōmman wōnmanlak ikijen ejmour ñan aolep ilo jikin ko ejjelōk wā ilo aelōñ eo. Jikin ko ejjelōk wā ej walōk ñe juon ian kein ilal rej mool:

- Ejjelōk jikin wā.
- Ejjelōk taktō ro ñan lelak wā eo.
- Jejjo wōt tatko rej bellōk ñan jibāñe ijo jikier im joñan armij ro ie.

Jerbal in wā ko ñan ilobwilej remāroñ in jab bellōk ak eben lak ñan drelōñ ilo jikin kein. Jerbal in wā ko ilo mōn jokwe rej jolōk abnōnō ko jej kijoñ ioon e ikijen aer bellōk ñe jej jokwe ijoko eben lak tōbar ak jikin ko rej ettolak ilo aelōñ eo.

Jerbal in wā ko rej itotak rej jibāñ lelak wā in kejbarok-mour kajju lak ñan armij ro ilo moko mweir. Jerbal in ej wōt ñan jikin ko ej walok an lap ippen dron, im rej kwalok abnōnō ko ikijen ejmour ñan aolep. Armij remāroñ kajitōke wā eo ilo jikin kajitōk eo jōkdron ia eo rej jokwe ie ilo aelōñ in Washington.

## **Ej ke wōr jermal ko jet ilo-mōn jokwe rej bellōk wōt ijellōkin wā in COVID-19?**

Ilo kiō, nōōj ro rej itotak remāroñ in wōt lelak wā in bōbrae nañimej in COVID-19. Wā in flu im jermal ko jet āinwōt ebbōk bōtōktōk rejjab bellōk ilo ien in.

Jerbal ko rej itotak rej bellōk ñan jibāñ an wōnmanlak ejmour ñan armij ro elap aer kauwōtata ñan mej ak drelōñ ilo aujbitōl jen COVID-19. Jouj im kanne kajitōk ko ñan armij eo ej aikuji in bōk wā eo an COVID-19 ilo rainin.

## **Ta eo imāroñ in Ketmen e Elikin aō Lelak Kajitōk?**

DOH ej ebbōk peba in kajitōk ko aolep wiik im jilkinlōk pepa kein ñan jikin ejmour ko itūrin jikin jokwe ko an armij ñan aer māroñ in tōbār er im emakitkit. Rijermal ro an jikin ejmour eo rennij tōbar lak tiim in wā eo ej itotak. Ñe rijermal ro ilo jikin ejmour rejjab māroñ in jermal ikijen wā ko ilo mōn jokwe, renij jermal ippen DOH ñan aer jibāñ er.

Lain eo ñan jibāñ ikijen ukok naan ej bellōk ñan jabdrewōt eo ej aikuji. Ñe opij eo an ejmour ejjab māroñ in jibañ, opij eo emāroñ in kajitōk jibāñ jen DOH. Tiim in wā eo ej itotak enij tōbar armij eo ej kajitōke wā eo ñan aer karōk ien eo ren bōk wā in COVID-19 ilo mweo imweir.